

UDRUŽENJE „SINE QUA NON“ ZA KOLEKTIVNO OSTVARIVANJE I ZAŠTITU AUTORSKIH I SRODNIH PRAVA

S T A T U T

STATUT

Sarajevo, oktobar 2011. godine

Na osnovu člana 12. Zakona o udruženjima i fondacijama Bosne i Hercegovine ('Službeni glasnik BiH', br. 32/01, 42/03, 63/08 i 76/11) i Zakona o kolektivnom ostvarivanju autorskog i srodnih prava („Službeni glasnik BiH“, br. 63/10), Skupština Udruženja „Sine Qua Non“ za kolektivno ostvarivanje i zaštitu autorskih i srodnih prava na sjednici održanoj u Sarajevu dana 24.10.2011. godine donijela je

S T A T U T

Udruženja „Sine Qua Non“ za kolektivno ostvarivanje i zaštitu autorskih i srodnih prava

I. OSNOVNE ODREDBE

Član 1. (Osnovni podaci)

Udruženje „Sine Qua Non“ za kolektivno ostvarivanje i zaštitu autorskih i srodnih prava (u daljem tekstu: Udruženje) je osnovano Sporazumom o osnivanju udruženja na sjednici održanoj 16.02.2005. godine u skladu sa Zakonom o udruženjima i fondacijama Bosne i Hercegovine (u daljem tekstu: Zakon).

Član 2. (Predmet Statuta)

Ovim Statutom se uređuje:

- a) naziv Udruženja, skraćeni naziv i adresa Udruženja;
- b) ciljevi i djelatnost Udruženja;
- c) postupak za primanje i isključivanje članova;
- d) tijela udruženja, način na koji se biraju, ovlaštenja koja imaju, kvorum i pravila glasanja, trajanje mandata, osobe ovlaštene da sazovu skupštinu, uslove i način raspuštanja, odnosno prestanak rada;
- e) pravila za ostvarivanje, upotrebu i raspolaganje sredstvima Udruženja, kao i tijelo koje je ovlašteno za nadzor nad upotrebom tih sredstava;
- f) javnost rada;
- g) postupak za izmjenu i dopunu statuta, ovlaštenje i način donošenja drugih općih akata;
- h) opis oblika i sadržaj pečata;
- i) zastupanje Udruženja;
- j) uslove i postupak za spajanje i podjelu Udruženja, odnosno prestanak rada uključujući i bilo kakav poseban kvorum ili pravila za postizanje kvalifikovane većine u postupku glasanja;
- k) postupak za raspologanje preostalom imovinom ili drugim sredstvima u slučaju raspuštanja ili prestanka rada Udruženja i
- l) druga pitanja od značaja za rad udruženja u skladu sa ovim Statutom i zakonom.

Član 3. (Naziv Udruženja, skraćeni naziv i sjedište Udruženja)

(1) Puni naziv Udruženja je:

Udruženje „Sine Qua Non“ za kolektivno ostvarivanje i zaštitu autorskih i srodnih prava
Udruga „Sine Qua Non“ za kolektivno ostvarivanje i zaštitu autorskih i srodnih prava
Удружење „Sine Qua Non“ за колективно остваривање и заштиту ауторских и сродних права.

(2) Skraćeni naziv udruženja je:

Udruženje „Sine Qua Non“
Udruga „Sine Qua Non“
Удружење „Sine Qua Non“

(3) Sjedište Udruženja je u Sarajevu, ulica Branilaca Sarajeva broj 21.

Član 4.

Udruženje djeluje na cijeloj teritoriji Bosne i Hercegovine.

Član 5.

Udruženje ima svojstvo pravne osobe i može stupati ravnopravno u pravni promet.

Član 6.

(Ciljevi i djelatnosti Udruženja)

(1) Ciljevi i djelatnosti Udruženja u skladu sa Zakonom o kolektivnom ostvarivanju autorskog i srodnih prava su:

- Kolektivno ostvarivanje i zaštita autorskog i srodnih prava u skladu sa Zakonom o kolektivnom ostvarivanju autorskog i srodnih prava;
- Unapređenje kolektivnog ostvarivanja autorskog i srodnih prava u Bosni i Hercegovini u skladu sa međunarodnim dokumentima, standardima i opštepoznatom praksom;
- poticanje i razvijanje stručnih i kolegijalnih odnosa među članovima Udruženja;
- pružanje stručne pomoći članovima Udruženja u ostvarivanju njihovih prava;
- saradnja sa drugim udruženjima i organizacijama za kolektivno ostvarivanje autorskog i srodnih prava;

(2) Poslovi u okviru djelatnosti u skladu sa Zakonom su:

- sklapanje ugovora o prijenosu neisključivih prava korisnicima za korištenje autorskih djela iz repertoara kolektivne organizacije pod jednakim uslovima za iste vrste korisnika, za iste vrste djela i za iste načine korištenja,
- sklapanje kolektivnih ugovora s reprezentativnim udruženjima korisnika o uslovima za korištenje autorskih djela,
- objavljivanje usaglašene tarife o visini naknada za korištenje autorskih djela i upoznavanje korisnika s visinama tih naknada,
- naplatu naknade za korištenje autorskih djela,
- raspodjelu naplaćenih, odnosno primljenih naknada autorima prema unaprijed određenim pravilima o raspodjeli,
- kontrolu nad korištenjem autorskih djela koja čine repertoar Udruženja
- pokretanje i vođenje postupaka zaštite kod sudova i drugih državnih organa u slučaju povreda prava koja ostvaruje i štiti Udruženje,
- sklapanje ugovora sa stranim kolektivnim organizacijama i njihovim udruženjima,
- druge aktivnosti koje su povezane sa kolektivnim ostvarivanjem prava i koje mogu razumno predstavljati troškove poslovanja Udruženja (obrazovne i promotivne aktivnosti za podizanje svijesti o potrebi poštivanja autorskog prava, njegove zaštite i slično). U promotivne aktivnosti Udruženja treba uključiti sve radio stanice i televizije koje su registrirane u Regulatornoj agenciji za komunikacije Bosne i hercegovine (RAK), zbog ravnopravnosti korisnika.

Član 7.

Udruženje može imati niže organizacione oblike – Podružnice čime se osigurava djelovanje Udruženja na cijelom području Bosne i Hercegovine, ravnomjernija teritorijalna zastupljenost članstva u organima Upravljanja Udruženja, njihova međusobna povezanost i koordinacija, o čemu odluku donosi Skupština Udruženja na svom redovnom zasjedanju.

Član 8.

Ukoliko se osnuje podružnica nema svojstvo pravnog lica, ali ima svoj Poslovnik o radu i organe upravljanja koje odredi Skupština, a u nazivu i pečatu prilikom rada i poslovanja koristi naziv i pečat Udruženja, te naziv Podružnice u skladu sa ovim Statutom.

Poslovnik i svi ostali akti Podružnice moraju biti usaglašeni sa Statutom i aktima Udruženja, zbog čega podliježu saglasnosti Skupštine Udruženja.

II. ČLANSTVO UDRUŽENJA

Član 9. (Članstvo udruženja)

- (1) Članstvo u Udruženju je dobrovoljno.
- (2) Članom Udruženja može postati svaki autor kao i njegov pravni sljednik, i svako pravno lice koje je na zakonit način postalo nosilac prava zaključivanjem ugovora u skladu sa Zakonom.
- (3) O prijemu u članstvo odlučuje posebna Komisija imenovana od strane Skupštine Udruženja .
- (4) Udruženje ima spisak i vodi evidenciju svojih članova.

Član 10. (Vrste članstva)

- (1) Udruženje može imati slijedeće članove.
 - a) redovne
 - b) pridružne i
 - c) počasne

Član 11. (Redovno članstvo)

- (1) Redovni član može postati svaki autor ili nosilac autorskih prava, odnosno pravno lice iz člana 9. (2) ovog Statuta a koji kumulativno ispunjava kriterije propisane u Pravilniku o uslovima i postupku za prijem u redovno članstvo kojeg donosi Skupština Udruženja.
- (2) Autor za sticanje statusa redovnog člana u svakom slučaju obavezno mora podnijeti pisanu molbu uz koju prilaže:
 - a) biografiju (CV) koja pored ličnih podataka i podatka o odgovarajućoj stručnoj spremi sadrži i opus objavljenih radova;
 - b) izjavu da nije ni u kakvom u sukobu interesa;
 - c) izjavu da svoja prenesena prava na Udruženje ne ostvaruje istovremeno i putem drugih organizacija u međunarodnom sistemu kolektivnog ostvarivanja autorskih i srodnih prava;
 - d) izjavu da će aktivno učestvovati u radu Udruženja i

e) dokaze da ispunjava sve kriterije propisane u Pravilniku iz stava 1. ovog člana.

Pravno lice koje je na zakonit način postalo nosilac prava za redovno članstvo mora podnijeti molbu, uz koju prilaže:

- a) izvod iz Registra, i ne stariji od 3 mjeseca;
- b) katalog izdanja;
- c) kopije ugovora sa autorima iz kojih se vidi da su autori na zakonit način prenijeli svoja imovinska prava na izdavača, te da su slobodnom voljom utvrdili raspodjelu tantijema
- d) kopije ugovora sa podizdavačima;
- e) izjavu da odgovorno lice u pravnom licu nije u sukobu interesa, odnosno da istovremeno nije i korisnik izdanja na komercijalnoj osnovi

(4) Na pravnog sljednika koji je to postao na zakonit način (npr. naslijednik ili ugovor o ostavštini nakon smrti autora itd.) odredbe ovog Statuta se primjenjuju na odgovarajući način.

Član 12.
(Pridruženo članstvo)

(1) Pridruženi član Udruženja je svaki autor ili nosilac autorskih prava koji je Udruženju u skladu sa *lex specialis* zakonom kojim se uređuje kolektivno ostvarivanje autorskog i srodnih prava povjerio ostvarivanje svojih prava.

(2) Pridruženi članovi imaju pravo da budu birani u komisije i tijela Udruženja te da budu informisani o svim aktivnostima udruženja sa mjesta i u vrijeme koje sami odaberu (internet).

Član 13.
(Počasno članstvo)

Počasni članovi Udruženja su strukovna (profesionalna) udruženja autora i stvaraoca, kao i pojedinci koji su dali svoj lični stručni i profesionalni doprinos za ostvarivanje ciljeva Udruženja.

Član 14
(Prava i obaveze članova)

(1) Redovni članovi Udruženja imaju pravo:

- a) birati i biti birani u sve organe Udruženja;
- b) sudjelovati u djelatnostima tih organa;
- c) davati prijedloge u vezi sa djelatnošću tih organa i Udruženja u cijelosti;

(2) Članovi Udruženja imaju obavezu:

- da se pridržavaju odredbi Statuta i drugih opštih akata Udruženja a naročito zakona kojim se uređuje kolektivno ostvarivanje autorskog i srodnih prava;
- da čuvaju i poštuju ugled Udruženja, te da poštuju procedure, pravila i odluke organa i tijela Udruženja,
- da se odazovu na poziv za učešće u aktivnostima Udruženja.

(3) Neizvršavanje ili povreda članskih obaveza povlači disciplinsku odgovornost.

Član 15.

(1) Članom Udruženja prestaje se biti:

- istupanjem na osnovu pisane izjave;
- isključenjem;
- naplaćenjem članarine na osnovu odluke Skupštine;

- (2) Odluku o isključenju donosi Sud časti.
- (3) Protiv Odluke Suda časti može se podnijeti prigovor Skupštini Udruženja, u roku od 15 dana od dana prijema odluke.
- (4) Odluka Skupštine po prigovoru iz prethodnog stava je konačna.

III. ORGANI UDRUŽENJA I NJIHOVE NADLEŽNOSTI ZA OBAVLJANJE POSLOVA

Član 16. (Organi Udruženja)

Organji udruženja su:

- a) Skupština Udruženja
- b) Generalni direktor
- c) Vijeće autora
- d) Nadzorni odbor
- e) Sud časti

Član 17. (Skupština Udruženja)

- (1) Skupština Udruženja je najviši organ Udruženja.
- (2) Skupština se saziva najmanje jednom godišnje.
- (3) Skupštinu Udruženja čine redovni članovi iz člana 11. ovog Statuta.

Član 18 (Nadležnost Skupštine)

- (1) Nadležnosti Skupštine su:

- donošenje statuta, izmjene i dopune statuta i drugih akata određenih statutom;
- odlučivanje o pripajanju ili podjeli u drugo udruženje i prestanak rada Udruženja;
- donošenje odluke o otvaranju organizacionih oblika - podružnica u skladu sa ovim Statutom i zakonom;
- imenovanje Predsjednika skupštine udruženja, Generalnog direktora, Vijeće autora, Nadzornog odbora i Suda časti;
- usvajanje finansijskog izvještaja i izvještaja o radu koje podnose organi Udruženja;
- usvajanje izvještaja Generalnog direktora Udruženja;
- odlučivanje o formiranju stručnih komisija za određena pitanja, te o imenovanju njihovih članova sa njihovim ovlaštenjima;
- imenovanje i razrješenje lica ovlaštenih za zastupanje Udruženja;

- donosi odluku o promjeni naziva i sjedišta Udruženja;
 - donosi odluku o prijenosu nadležnosti na druge organe upravljanja Udruženja;
 - donosi odluku o članarini;
 - odlučivanje o svim drugim pitanjima koja nisu u nadležnosti drugih organa Udruženja.
- (2) Skupština je nadležna i za sve ono što joj je u nadležnost stavljeno zakonom kojim se uređuje kolektivno ostvarivanje autorskog i srodnih prava, a naročito za donošenje i usvajanje:
- privremenih tarifa koje se primjenjuju do zaključenja kolektivnih ugovora ili do donošenja odluke Vijeća za autorsko pravo;
 - finansijskog plana za narednu godinu, koji uključuje plan troškova poslovanja;
 - donošenje pravila i godišnjih planova o raspodjeli ubranih naknada u skladu sa principima i pravilima raspodjele prihoda utvrđenih ovim Statutom;
 - donošenje odluka o odbicima od ubranih naknada za kulturne i socijalne namjene do limita propisanog zakonom;
 - davanje mišljenja o revizorskim izvještajima, godišnjim izvještajima o radu i izvještajima Nadzornog odbora
- Član 19.
(Rad Skupštine)
- (1) Skupštinu saziva pisanim putem Predsjednik Skupštine Udruženja, a u njegovoj odsutnosti ili spriječenosti Generalni direktor.
- (2) Radom Skupštine rukovodi radno predsjedništvo kojeg čine lica iz prethodnog stava ovog člana, jedan zapisničar i jedan ovjerivač zapisnika.
- (3) Skupština se može održati ako je prisutna nadpolovična većina redovnih članova Skupštine, a pravovaljano odlučuje natpolovičnom većinom prisutnih redovnih članova Skupštine.
- (4) U slučaju da se iz bilo kojeg razloga sjednica Skupštine ne može održati, glasanje se vrši putem kovertiranih glasova pristiglih putem pošte, uključujući i elektonsku poštu (e-mail) što se zapisnički konstatiše, čime se smatra da je Skupština održana, osim ukoliko se donosi odluka o prestanku rada Udruženja i donošenja Stututa, kada je potrebno prisustvo članova Skupštine Udruženja.

Član 20.
(Predsjednik Skupštine Udruženja)

- (1) Predsjednika Skupštine bira i razrješava Skupština Udruženja na mandat od 2 (dvije) godine, s mogućnošću ponovnog izbora.
- (2) Predsjednik Skupštine Udruženja:
- zastupa Udruženje u pravnom prometu;
 - saziva sjednice Skupštine;
 - predlaže dnevni red sjednice;
 - predsjedava sjednicama Skupštine;
 - potpisuje akte donesene na Skupštini;
 - stara se o izvršavanju odluka, zaključaka i drugih akata Skupštine;
 - koordinira rad Skupštine;
 - vrši i druge poslove koje mu odredi Skupština u skladu sa Zakonom i ovim Statutom

- (3) Predsjednik Skupštine može biti razriješen i prije isteka vremena na koje je imenovan
- na sopstveni zahtjev,
 - ako ne obavlja pravilno poslove i zadatke Predsjednika Skupštine,
 - u drugim slučajevima predviđenim Zakonom i ovim Statutom.

Član 21.
(Generalni direktor)

(1) Generalnog direktora bira i razrješava Skupština Udruženja na period od četiri godine s mogučnošću ponovnog izbora.

- (2) Generalni direktor:
- zastupa Udruženje u pravnom prometu;
 - priprema sjednice Skupštine;
 - priprema nacrt Statuta i drugih akata koje donosi Skupština;
 - provodi politiku, zaključke i druge akte i odluke koje donosi Skupština;
 - upravlja imovinom Udruženja;
 - podnosi godišnji ili periodični izvještaj o svom radu Skupštini na razmatranje i usvajanje;
 - utvrđuje prijedloge dokumenata Skupštini;
 - pokreće različite projekte Udruženja ;
 - predlaže prijem osoba u radni odnos;
 - obavlja i druge poslove određene ovim statutom i zakonom.

(3) Generalni direktor podnosi godišnji izvještaj Nadzornom odboru i Skupštini Udruženja.

(4) Generalni direktor može biti samo ono lice koje kumulativno ispunjava slijedeće uslove:

- a) da je diplomirani pravnik sa višegodišnjim iskustvom u struci;
- b) da ima najmanje 5 godina radnog iskustva na poslovima kolektivnog ostvarivanja autorskog i srodnih prava;
- c) da posjeduje znanje engleskog jezika;
- d) da u svom radu na poslovima kolektivnog ostvarivanja autorskih prava ima iskazane pozitivne rezultate i
- e) da nije u konfliktu interesa u smislu da je istovremeno i korisnik autorskih djela koja čine repertoar Udruženja

(5) Generalni direktor ugovorom o radu zasniva radni odnos na neodređeno vrijeme u stručnoj službi Udruženja iz člana 42.stav (2) ovog Statuta.

Član 22.
(Vijeće autora)

- (1) Vijeće autora čini 5 (pet) članova Udruženja, koje posebnom odlukom imenuje Skupština Udruženja.
- (2) Vijeće autora je savjetodavno tijelo Udruženja.
- (3) Nadležnost Vijeća autora, imenovanje članova Vijeća autora i njihova ovlaštenja utvrđuje Skupština Udruženja.

Član 23.
(Nadzorni odbor)

- (1) Nadzorni odbor vrši godišnji nadzor nad radom Udruženja, a članove imenuje Skupština Udruženja.
- (2) Nadzorni odbor ima tri člana između kojih se imenuje predsjednik.
- (3) Mandandat članova Nadzornog odbora je 2 godine, s pravom ponovnog reizbora.
- (4) Nadzorni odbor o izvršenom nadzoru podnosi svoj izvještaj Skupštini Udruženja.
- (5) Nadzorni odbor Udruženja je organ s nadzorno kontrolnim ovlaštenjima u okviru rada i djelovanja članova i organa Udruženja .
- (6) Član Nadzornog odbora ne može biti član drugog organa Udruženja.
- (7) Kandidata za člana Nadzornog odbora predlažu članovi na Skupštini.
- (8) Nadzorni odbor donosi poslovnik o svom radu.
- (9) Nadzorni odbor je nadležan:
 - da kontrolira finansijsko poslovanje Udruženja,
 - brine se o zakonitosti rada Udruženja i dosljednoj primjeni Statuta i drugih akata i propisa,
 - brine se o provođenju i izvršavanju odluka i zaključaka Skupštine,
 - kontroliše ispravnost i zakonitost vođenja svih poslovnih knjiga , evidencija, godišnjeg obračuna, završnog računa finansijskih dokumenata, o čemu dostavlja izvještaj Skupštini Udruženja , najmanje jednom godišnje, a može i češće prema ukazanoj potrebi ,
 - obavlja inventuru pokretne i nepokretne imovine na kraju kalendarske godine, te predlaže mјere Skupštini za nađeno stanje,
 - obavlja i druge zadatke u skladu sa zakonom kojim se uređuje kolektivno ostvarivanje autorskog i srodnih prava, kao što je podnošenje Skupštini izvještaja o:
- a) iznosu uplaćenih naknada,
- b) raspodjeli ubranih naknada,
- c) poslovanju Udruženja,
- d) izvršavanju kolektivnih ugovora i pojedinačnih ugovora sa korisnicima,
- e) izvršavanju ugovora zaključenih sa stranim kolektivnim organizacijama i
- f) izvršenoj reviziji, odnosno revizorskom mišljenju.
- (10) Nadzorni odbor za svoj rad odgovara isključivo Skupštini Udruženja, kome podnosi izvještaj o svome radu.
- (11) Nadzorni odbor izraditi će Poslovnik o svom radu i u roku od 30 dana od dana konstituiranja i predati ga na usvajanje Skupštini Udruženja.

Član 24.
(Sud časti)

- (1) Sud časti je organ Udruženja koji odlučuje u disciplinskim postupcima pokrenutim protiv članova organa Udruženja, u skladu sa Pravilnikom o disciplinskoj postupku i disciplinskoj odgovornosti.
- (2) Sud časti ima tri (3) člana koje imenuje Skupština Udruženja, na mandatni period od četiri godine, s mogučnošću ponovnog izbora.
- (3) Kandidata za člana Suda časti Udruženja predlažu članovi na Skupštini.
- (4) Član Suda časti ne može istovremeno biti član drugog organa Udruženja.
- (5) Sud časti na prvoj sjednici, između svojih članova bira predsjednika Suda časti.
- (6) Sud časti donosi Poslovnik o svom radu.
- (7) Nadležnosti Suda časti :
 - a) Vodi disciplinske postupke po Poslovniku o disciplinskom postupku i disciplinskoj odgovornosti;
 - b) Donosi odluke o disciplinskoj odgovornosti u prvom stepenu.
- (8) Sud časti odgovara za svoj rad Skupštini Udruženja kojoj podnosi izvještaj o svom radu.
- (9) Za teže povrede, Sud časti može izreći disciplinsku mjeru prestanka članstva u Udruženju, a za lakše povrede izriču se opomena ili javna opomena.
- (10) Protiv odluke o izricanju opomene ili javne opomene može se izjaviti žalba Komisiji, a protiv odluke o prestanku članstava može se izjaviti žalba Skupštini Udruženja.
- (11) Odluke Komisije i Skupštine su konačne.
- (12) Sud časti izradit će Poslovnik o svom radu i u roku od 30 dana od dana konstituiranja i predati ga na usvajanje Skupštini Udruženja.

Član 25.
(Imovina Udruženja)

- (1) Imovinu Udruženja mogu da čine nepokretne i pokretne stvari, imovinska prava i novčana sredstva namjenjena djelovanju Udruženja.
- (2) U skladu sa Zakonom o udruženjima i fondacijama u Bosni i Hercegovini, prihodi udruženja mogu uključivati sljedeće:
 - a) članarine;
 - b) dobrovoljni prilozi i pokloni javnih institucija, fizičkih i pravnih lica, kako stranih tako i domaćih u gotovini, uslugama ili imovini bilo koje vrste;

- c) državne subvencije i ugovore sa državnim, javnim institucijama, fizičkim i pravnim licima, kako domaćim tako i stranim;
- d) prihod od kamata i sličnih izvora pasivnog prihoda;
- e) prihod stečen kroz ostvarivanje ciljeva i aktivnosti udruženja.
- f) nepokretne i pokretne stvari, imovinska prava i novčana sredstva namjenjena djelovanju udruženja.
- g) prihod stečen kroz ostvarivanje ciljeva i aktivnosti udruženja, kako je određeno Statutom.

(3) Prihodi udruženja iz prethodnog stava se mogu koristiti samo za njegov rad, te za promociju i ostvarivanje ciljeva Udruženja.

Član 26.

(Nadležnost za donošenje odluka u vezi imovine udruženja)

- (1) O korištenju imovine i raspolaganju sredstvima Udruženja odlučuje Skupština u skladu sa ovim Statutom i opštim aktima Udruženja.
- (2) Lica ovlaštena da potpisuju akte koji se odnose na sticanje i raspolaganje imovinom Udruženja su lica ovlaštena za zastupanje Udruženja.

Član 27.

(Korištenje i raspolaganje sredstvima udruženja)

- (1) Skupština udruženja može donijeti opšte akte kojima se, u skladu sa Zakonom i ovim Statutom bliže uređuju pravila za ostvarivanje, korištenje i raspolaganje sredstvima Udruženja, kao i za nadzor nad korištenjem tih sredstava.
- (2) Novčana sredstva se planiraju i troše u skladu sa proračunom i finansijskim planom koji usvaja Skupština Udruženja, na prijedlog Generalnog direktora Udruženja.
- (3) Izvještaj o materijalno-finansijskom poslovanju Udruženja, Generalni direktor podnosi Skupštini Udruženja.
- (4) Udruženje je dužno uredno voditi poslovne knjige u skladu sa opće prihvaćenim računovodstvenim principima i sastavljati finansijske izvještaje u skladu sa relevantnim zakonima.
- (5) Organi upravljanja Udruženja dužna su upravljati imovinom Udruženja sa dužnom pažnjom i na odgovoran i zakonit način, a u najboljem interesu Udruženja i njegovih članova.

V. JAVNOST RADA

Član 28. (Javnost rada)

- (1) Rad udruženja je javan, osim po pitanjima iz člana 29. ovog Statuta.
- (2) O svom radu i aktivnostima Udruženje informira članstvo i najširu javnost putem objava na svojoj internet strani koja je dostupna svakom u vrijeme i u mjestu kojem sam odabere.
- (3) O svom radu Udruženje može vršiti informisanje i putem svojih publikacija koje se mogu objavljivati i on-line.
- (4) Za javnost rada odgovoran je predsjednik Skupštine Udruženja i Generalni direktor.

Član 29. (Poslovna tajna)

- (1) Poslovnu tajnu udruženja naročito čine:
 - a) lični podaci članova, kao što su adresa, telefon, bankovni podaci, jedinstveni matični broj građana i drugi lični podaci koje su članovi dali Udruženju radi ostvarivanja svojih prava;
 - b) izvršene pojedinačne isplate autorima i stvaraocima po osnovu tantijema;
 - c) pojedinačne naknade za rad uposlenika;
 - d) prihodi korisnika dati radi utvrđivanja osnove za visinu naknade koju su dužni da plaćaju;
 - e) ugovori sa domaćim i stranim pravnim licima u kojima je unesena klauzula o poslovnoj tajni;
 - f) svi dokumenti CISAC-a koji nisu javno objavljeni, a naročito dokumenti na kojima stoji oznaka samo za članice CISAC-a ili oznaka povjerljivo ili su profesionalnim pravilima CISAC-a definisane kao poslovna tajna
 - g) svi dokumenti Udruženja koji se dostavljaju državnim organima radi postupanja u okviru njihove nadležnosti,i
 - i) drugi akti koje Skupština udruženja označi kao povjerljive.
- (2) Svi članovi Udruženja, bez obzira na vrstu članstva, su obvezni da čuvaju poslovne tajne Udruženja, u protivnom snose materijalnu i krivičnu odgovornost.

VI. POSTUPAK ZA IZMJENU I DOPUNU STATUTA, OVLAŠTENJA I NAČIN DONOŠENJA DRUGIH AKATA

Član 30. (Donošenje Statuta)

Statut udruženja donosi Skupština većinom glasova redovnih prisutnih članova.

Član 31.
(Osnovni i opšti akti)

- (1) Osnovni i opći akt Udruženja je Statut Udruženja.
- (2) Udruženje može donositi i druge opće akte: pravilnike, odluke i poslovниke.
- (3) Opći akti moraju biti saglasni Zakonu i Statutu Udruženja.
- (4) Pojedinačni akti su odluke, rješenja, zaključci, uputstva i mišljenja.
- (5) Pravilnike i druge opštne akte Udruženja donosi Skupština, a u skladu sa odredbama ovog Statuta.
- (6) Opšti akti stupaju na snagu danom donošenja.

Član 32.
(Postupak za izmjene i dopune Statuta i opštih akata)

- (1) Inicijativu za izmjene i dopune Statuta može podnijeti svaki član Udruženja ili organ Udruženja.
- (2) Inicijativa se podnosi Generalnom direktoru, pismenim putem i sa odgovarajućim obrazloženjem
- (3) Generalni direktor razmatra primjedbe i prijedloge koji su dati u raspravi, zauzima stavove o njima i utvrđuje konačan prijedlog Statuta i upućuje ga Skupštini na usvajanje, najmanje 30 dana prije dana održavanja sjednice.
- (4) O izmjenama i dopunama Statuta odlučuje Skupština nadpolovičnom većinom redovnih članova Skupštine.
- (5) Predsjednik Skupštine potpisuje odluku o izmjenama i dopunama Statuta koji se smatraju originalima i čuvaju u arhivi Udruženja.
- (6) Prijedlog za donošenje, izmjenu i dopunu opštih akata Udruženja može podnijeti svaki član ili organ Udruženja, uz valjano obrazloženje. Izmjene i dopune opštih akata udruženja donose se prema postupku propisanom za njihovo donošenje.

Član 33.

- (1) Ovim Statutom Udruženje direktno prihvata sva pravila, odluke, smjernice i direktive međunarodnih organizacija čiji je član i to kao svoje obavezujuće akte koji imaju direktnu primjenu.
- (2) Svaki član Udruženja može pokrenuti postupak pred nadležnim sudom za utvrđivanje ništavnosti općeg akta Udruženja koji je donesen suprotno odredbama statuta ili drugog općeg akta udruženja, a najkasnije u roku od šest mjeseci od dana donošenja tog akta.

VII. PEČAT UDRUŽENJA

Član 34. (Oblik i sadržaj pečata)

- (1) Udruženje ima veliki i mali pečat.
- (2) Veliki pečat Udruženja je okruglog oblika promjera 3 cm i mali pečat promjera 2,5 cm, u kojima je uz vanjski rub, latiničnim pismom upisano: Udruženje „Sine Qua Non“ za kolektivno ostvarivanje i zaštitu autorskih i srodnih prava i sjedište Sarajevo u sredini pečata.
- (3) Za ovjeravanje korespondencije i administrativnih akata može se koristiti i protokolarni štembilj četvrtastog oblika u kojem je upisan naziv udruženja i sjedište.
- (4) Udruženje može imati i više pečata koji moraju biti numerisani i sadržavati naziv i sjedište.
- (5) Čuvanje pečata povjerenje je Generalnom direktoru Udruženja.

VIII. ZASTUPANJE UDRUŽENJA

Član 35. (Lica ovlaštena za zastupanje i predstavljanje Udruženja)

Udruženje predstavljaju i zastupaju Predsjednik Skupštine udruženja i Generalni direktor u okviru nadležnosti utvrđenih ovim Statutom.

IX. USLOVI I POSTUPAK ZA SPAJANJE I PODJELU ILI DRUGE STATUSNE PROMJENE UDRUŽENJA

Član 36 (Statusne promjene udruženja)

- (1) Udruženje se može spojiti ili podjeliti u drugo Udruženje u skladu sa Zakonom.
- (2) Odluku o statusnim promjenama donosi Skupština nadpolovičnom većinom glasova u skladu sa članom 18. i 19. ovog Statuta.

X. PRESTANAK UDRUŽENJA

Član 37. (Načini prestanka Udruženja)

- (1) Udruženje će trajati sve dok za to budu postojali zakonski uslovi ili dok Skupština ne doneše odluku o prestanku rada Udruženja.
- (2) Udruženje prestaje sa radom dobrovoljno ili po sili zakona.

Član 38. (Dobrovoljni prestanak Udruženja)

- (1) Odluku o dobrovoljnem prestanku rada Skupština donosi dvotrećinskom većinom redovnih članova Udruženja.

(2) Inicijativu za prestanak rada Udruženja može dati jedna trećina redovnih članova Udruženja, u slučaju:

- ako je proteklo dvostruko više vremena od vremena utvrđenog Statutom Udruženja za održavanje Skupštine, a Skupština nije održana,
- ako se broj članova Udruženja smanji ispod broja tri.
- u drugim slučajevima utvrđenim Zakonom.

(3) Inicijativa se podnosi Generalnom direktoru koji priprema materijal za Skupštinu.

Član 39.

(Prestanak Udruženja po sili zakona)

(1) Udruženje prestaje sa radom po sili zakona, u skladu sa odredbama članova 51. i 52. Zakona o udruženjima i fondacijama Bosne i Hercegovine.

(2) Udruženje je obavezno svaku statusnu promjenu prijaviti nadležnom ministarstvu u roku utvrđenom Zakonom.

Član 40

(Pravni akti o prestanku Udruženja)

(1) Odluka o prestanku udruženja objavit će se na odgovarajući način.

(2) Udruženje prestaje sa radom rješenjem Ministarstva pravde Bosne i Hercegovine ili sudskom odlukom.

XI. RASPOLAGANJE PREOSTALOM IMOVINOM U SLUČAJU RASPUŠTANJA ILI PRESTANKA RADA UDRUŽENJA

Član 41.

(Likvidacija, raspuštanje i prestanak rada Udruženja)

(1) Istovremeno sa odlukom o prestanku rada Udruženja Skupština donosi plan likvidacije Udruženja, kojim se utvrđuje raspored imovine, prava i obaveze Udruženja.

(2) Skupština imenuje likvidatora Udruženja čija dužnost je da se stara o izvršenju plana likvidacije i koji je ovlašten da zastupa Udruženje u postupku likvidacije i u postupku podnošenja zahtjeva za prijavu prestanka rada Udruženja nadležnim organima.

(3) Imovina kod raspuštanja udruženja, nakon izmirenja svih zakonskih obaveza, dodijelit će se nekom drugom udruženju koje obavlja iste ili slične djelatnosti, a na osnovu odluke Skupštine.

XII. POSEBNE ODREDBE O KOLEKTIVNOM OSTVARIVANJU I ZAŠТИTI AUTORSKIH I SRODNIH PRAVA

Član 42.

(Način obavljanja djelatnosti udruženja)

- (1) Udruženje djelatnost kolektivnog ostvarivanja autorskih i srodnih prava obavlja u skladu sa zakonima i propisima koji uređuju kolektivno ostvarivanje autorskih i srodnih prava.
- (2) Djelatnost kolektivnog ostvarivanja i zaštite autorskih i srodnih prava u skladu sa zakonima u Bosni i Hercegovini za članove Udruženja obavlja „Sine Qua Non“ Agencija za zastupanje i zaštitu autorskih prava d.o.o. Sarajevo kao specijalizovano pravno lice iz člana 44. stav (1) i (2) Zakona o kolektivnom ostvarivanju autorskog i srodnih prava („Službeni glasnik BiH“, br. 63/10).
- (3) Pravno lice iz stava (2) ovog člana ima usklađen pravni status u smislu Zakona o druženjima i fondacijama Bosne i Hercegovine i člana 44.stav (2), a u vezi sa članom 8. Zakona o kolektivnom ostvarivanju autorskog i srodnih prava kao njegova stručna služba određena po osnovu osnivačkog akta Udruženja broj: 01/05 od 16.02.2005. godine, na osnovu kojeg je Udruženje registrovano.
- (4) U pravnom prometu, pravno lice iz stava (2) ovog člana nastupa u svoje ime a za račun članova udruženja na osnovu posebnog ugovora.
- (5) Nad radom pravnog lica iz stava (2) ovog člana se obavezno vrši revizija od strane nezavisnog certifiranog revizora koji je dužan da da mišljenje o pravilnosti poslovanja kolektivnog ostvarivanja autorskog i srodnih prava u skladu sa zakonom kojim se to uređuje i usklađenosti sa aktima udruženja i ugovorima zaključenim s trećim licima.

Član 43.

(Osnovni principi i pravila za kolektivno ostvarivanje autorskog i srodnih prava)

- (1) Udruženje je obavezno da se pridržava svih pravila i obavezujućih odluka Međunarodne konfederacije društava autora i kompozitora/ International Confederation of Societies of Authors and Composers (dalje u tekstu: CISAC), s tim da u slučaju sukoba odredbi ovog Statuta i Pravila ili Odluka CISAC-a, prioritet u primjeni imaju obavezujuća Pravila i Odluke CISAC-a, koje se u tom slučaju direktno primjenjuju.
- (2) Osnovni principi za ispunjavanja ciljeva udruženja kod raspodjele prihoda ostvarenih od ubranih autorskih naknada su:
 - a) Princip savjesti i poštenja koji podrazumjeva da se sakupljena sredstva raspodjeljuju onima koji imaju pravo na njih uzimajući u obzir ograničenje troškova prikupljanja nadoknada, troškova obrade podataka, troškova raspodjele i drugih troškova koji su nametnuti pozitivnim zakonskim propisima
 - b) Princip pravičnosti koji podrazumjeva da troškovi prikupljanja nadoknada i obrade podataka za svaki dohodovni izvor moraju biti pokriveni iz istog izvora.
 - c) Princip objektivnosti (nepristranosti) koji podrazumjeva da podaci izabrani kao uzorak, moraju biti pravični, nepristrani i statistički važeći i onda kad zbog visine troškova sakupljanja nadoknada i obrade podataka nije praktično sakupljati informacije o svakoj pojedinačnoj upotrebi;
 - d) Princip jasnoće koji podrazumjeva da metode ubiranja i raspodjele honorara prikupljenih na ime imovinskih prava autora, stvaraoca i drugih nosilaca prava moraju biti jednostavni i razumljivi;
 - e) Princip efikasnosti koji podrazumjeva da se raspodjela vrši nakon što su prikupljanja sredstva i potrebni podaci.
- (3) Raspodjela naknada po principima iz stava (1) ovog člana se vrši najmanje jednom godišnje.

XIII. PRELAZNE I ZAVRŠNE ODREDBE

Član 44.
(Prestanak važenja ranijeg Statuta)

Ovim Statutom se stavlja van snage Statut udruženja za kolektivno ostvarivanje i zaštitu autorskih i srodnih prava br. 2/05 od 16.02.2005.godine.

Član 45
(Stupanje na snagu)

Ovaj Statut stupa na snagu danom donošenja.

Sarajevo, 24.10.2011. godine
Broj: 02/11



Predsjednik Skupštine

Brano Likić

A handwritten signature in blue ink, appearing to read "Brano Likić", written over the printed name "Brano Likić" above it.

O V J E R A V A
Ministarstvo pravde
Bosne i Hercegovine

Broj: 08-50.1-64/05
Sarajevo, 31.01.2012.godine.



Na osnovu člana 18. Statuta Udruženja „Sine Qua Non“ za kolektivno ostvarivanje i zaštitu autorskih i srodnih prava broj: 02/11 od 24.10.2011. godine, Skupština Udruženja „Sine Qua Non“ za kolektivno ostvarivanje i zaštitu autorskih i srodnih prava je na svojoj sjednici održanoj dana 25.10. 2012.godine, donijela

**ODLUKU
O IZMJENAMA I DOPUNAMA
STATUTA UDRUŽENJA „SINE QUA NON“ ZA KOLEKTIVNO OSTVARIVANJE I ZAŠTITU
AUTORSKIH I SRODNIH PRAVA**

I.

U Statutu Udruženja „Sine Qua Non“ za kolektivno ostvarivanje i zaštitu autorskih i srodnih prava, vrše se izmjene i dopune Statuta broj: 2/11 od 24.10. 2011.godine i to:

Član 1.

U članu 9. stav (3) se mijenja i glasi:

„(3) Prijem u članstvo se vrši na osnovu Zakona o kolektivnom ostvarivanju autorskog i srodnih prava i Zakonom o udruženjima i fondacijama Bosne i Hercegovine.“.

Član 2.

U članu 11. stav (1) iza broja 9. dodaje se riječ „stav“.

Član 3.

U članu 16. iza riječi: „Organi udruženja“, stavlja se zarez i dodaju se riječi: „u skladu sa Zakonom o udruženjima i fondacijama Bosne i Hercegovine i Zakonom o kolektivnom ostvarivanju autorskog i srodnih prava“, i dodaje se stav (2) koji glasi:

„(2) Udruženje svoju jedinu registrovanu djelatnost kolektivnog ostvarivanja i zaštite autorskih prava obavlja putem stručnih službi i to:

- a) Sekretarijata udruženja u kojem mora biti stalno uposlena najmanje jedna osoba koja ima VSS sa znanjem engleskog ili francuskog jezika i
- b) Stručna služba iz člana 42. ovog Statuta koja je usko specijalizovana za stručne i administrativno-tehničke poslove kolektivnog ostvarivanja autorskih i srodnih prava a koja te poslove obavlja kao redovni član udruženja na osnovu osnivačkog akta i pisanog ugovora zaključenog sa udruženjem u skladu sa članom 3. stav (2) Zakona o kolektivnom ostvarivanju autorskog i srodnih prava i ugovorom zaključenim sa udruženjem u skladu sa članom 42. stav (1) i (4) ovog Statuta“.

Član 4.

U članu 21. briše se stav (5).

Član 5.

U članu 42. stav (2) riječ: „Djelatnost“ zamjenje se riječima „Administrativno-tehničke poslove“, a u stavu (3) iza broja 8. dodaje se riječ: „stav (2)“.

II.

Ova odluka stupa na snagu danom donošenja.

Sarajevo, 25.10.2012
Broj: S-OB-4/12

Brano Likić, Predsjednik Skupštine udruženja
Po ovlaštenju broj: A-OB-5/12 od 25.10.2012.g.

O V J E R A V A
Ministarstvo pravde
Bosne i Hercegovine

Broj: S-OB-4/12
Sarajevo, 14.11.2012.godine.

